



Na osnovu čl. 25. i 69. Statuta Općine Centar Sarajevo-prečišćen tekst («Službene novine Kantona Sarajevo» broj 23/04) i člana 5. Pravilnikom o utvrđivanju uslova, kriterija i postupka za ostvarivanje prava na dodjelu plastenika socijalno ugroženim građanima sa područja općine Centar Sarajevo broj: 09/B-20-135/22 od 23.09.2022, Općinski načelnik objavljuje

**JAVNI POZIV**  
**za predaju zahtjeva za dodjelu plastenika površine 18 m<sup>2</sup> sa dodatnom opremom socijalno ugroženim građanima sa područja općine Centar Sarajevo**

**1. PREDMET JAVNOG POZIVA:**

Predmet Javnog poziva je dodjela plastenika površine 18 m<sup>2</sup> sa dodatnom opremom socijalno ugroženim građanima sa područja općine Centar Sarajevo.

**2. USLOVI ZA OSTVARIVANJE PRAVA:**

- a.) da podnosilac zahtjeva ima prebivalište na području općine Centar Sarajevo;
- b.) da je podnosilac zahtjeva vlasnik ili posjednik zemljišta pogodnog za plasteničku proizvodnju površine minimalno 100 m<sup>2</sup> koje se nalazi na području općine Centar Sarajevo (utvrđuje Komisija za dodjelu plastenika na osnovu dokumentacije i terenskim obilaskom),
- c.) da ukupna primanja po članu porodičnog domaćinstva podnosioca zahtjeva ne prelaze iznos od jedne polovine iznosa prosječne plaće ostvarene u FBiH prema posljednjim statističkim pokazateljima, s tim da se kao primanja uzimaju u obzir samo primanja ostvarena po osnovu radnog odnosa i penzije.
- d.) da niko od članova zajedničkog domaćinstva podnosioca zahtjeva nije vlasnik preduzeća ili samostalne radnje ili ima registriranu dopunsku djelatnost;
- e.) da niko od članova porodičnog domaćinstva, nije u ranijem periodu od općina, ministarstava, humanitarnih i drugih institucija ostvario pravo na donaciju, dodjelu ili sufinansiranje nabavke plastenika.

**4. KRITERIJI ZA DODJELU PLASTENIKA :**

Kriteriji za bodovanje podnesenih zahtjeva:

a) pogodnost zemljišta za zasnivanje plasteničke proizvodnje (utvrđuje Komisija za dodjelu plastenika uviđajem na licu mjesta):

- da je površina zemljišta gdje će se postaviti platenik ravna ili veoma blagog nagiba,
- da je pogodna ekspozicija zemljišta,
- da zemljište nije vlažno odnosno sklono zabarivanju,
- da nije u blizini objekata koji bi mogli stvarati sjenu na plateniku,
- da je zemljište udaljeno od industrijskih zagađivača minimum 1 km, a od glavnih saobraćajnica 70 m,
- da je u neposrednoj blizini izvorišta vode ili vodovodne mreže.

Ukupno.....60 bodova

b) dodatni bodovi po osnovu stanja socijalne potrebe porodičnog domaćinstva podnosioca zahtjeva za sljedeće kategorije (za svakog člana porodičnog domaćinstva bodovi se posebno utvrđuju i zbrajaju):

- nezaposlenost ..... 10 bodova
- status šehida, poginulih, umrlih ili nestalih branitelja i RVI članova porodičnog domaćinstva ..... 10 bodova
- status civilne žrtva rata ili člana porodice civilne žrtve rata..... 8 bodova
- status neratnog invalida nekog od članova porodičnog domaćinstva od 90% i 100%..... 7 bodova
- status demobilisanog borca članova porodičnog domaćinstva..... 5 bodova
- broj djece članova porodičnog domaćinstva do 18 godina..... 3 boda.

## 5. POTREBNA DOKUMENTACIJA

Prilikom prijave na Javni poziv potrebno je priložiti sljedeću dokumentaciju:

1. Prijava prebivališta za sve članove porodičnog domaćinstva;
2. Izjava o zajedničkim članovima porodičnog domaćinstva (Kućna lista)
3. ZK izvadak ili kopija katastarskog plana o vlasništvu/posjedu predmetnog zemljišta;
4. Uvjerenje Poreske uprave za sve punoljetne članove porodičnog domaćinstva;
5. Dokaz o primanjima punoljetnih članova porodičnog domaćinstva po osnovu radnog odnosa,
6. Dokaz o primanjima po osnovu priznatih prava iz oblasti boračko-invalidske zaštite i zaštite civilnih žrtava rata (rješenje ili uvjerenje nadležne općinske službe);
7. Uvjerenje Službe za zapošljavanje za nezaposlene članove domaćinstva,
8. Dokaz o statusu demobilisanog borca (rješenje ili uvjerenje nadležne općinske službe),
9. Dokaz o statusu porodice šehida ili porodice poginulih, umrlih ili nestalih branitelja, (rješenje ili uvjerenje nadležne općinske službe),
10. Dokaz o statusu civilne žrtve rata ili člana porodice civilne žrtve rata (rješenje ili uvjerenje nadležne općinske službe);
11. Dokaz o statusu neratnog invalida sa utvrđenim oštećenjem organizma 90% i 100% (rješenje JU Centar za socijalni rad ili Nalaz instituta za medicinsko vještačenje zdravstvenog stanja).
12. Izjava podnosioca ovjerena od strane nadležnog organa da nitko od članova porodičnog domaćinstva, nije u ranijem periodu od općina, ministarstava, humanitarnih i drugih institucija ostvario pravo na donaciju, dodjelu ili sufinansiranje nabavke plastenika.

## 6. PODNOŠENJE ZAHTJEVA I DOKUMENATA

Prijava na Javni poziv za dodjelu plastenika sa pratećom dokumentacijom se predaje neposredno na protokol Općine Centar Sarajevo, Mis Irbina broj 1, sa naznakom "za Javni poziv za dodjelu plastenika za socijalno ugrožene građane općine Centar Sarajevo". Sve dodatne informacije mogu se dobiti u Općini Centar Sarajevo, kontakt telefon: 033/562-450

Javni poziv ostaje otvoren **15** dana od dana objavljivanja.

## 7. FINANSIJSKA SREDSTVA

Za namjene finansiranja sredstvima iz Budžeta Općine Centar Sarajevo za 2022. godinu u ukupnom iznosu od 50.000,00 KM.

## 8. PROCEDURA ODABIRA KORISNIKA

Komisija će izvršiti pregled prispjelih prijava po Javnom pozivu, utvrditi blagovremenost i potpunost istih, izvršiti uviđaj na licu mjesta s ciljem utvrđivanja pogodnosti zemljišta za zasnivanje plasteničke proizvodnje, izvršiti bodovanje i sačiniti prijedlog liste kandidata koji ispunjavaju uslove za dodjelu plastenika, na osnovu Pravilnika.

Odluku o dodjeli plastenika donosi Općinski načelnik na prijedlog Komisije za dodjelu plastenika.

Odluka o dodjeli plastenika Općinskog načelnika je konačna.

O rezultatima Javnog poziva, kandidati će biti obaviješteni pismenim putem.

Izabrani kandidati potpisuju Ugovor o dodjeli plastenika sa Općinskim načelnikom, kojim će biti regulisana sva dalja međusobna prava i obaveze.

OPĆINSKI NAČELNIK  
Srđan Mandić